

四庫全書

史部

欽定四庫全書

欽定宗室王公功績表傳卷十一

傳九

鎮國公 輔國公

鎮國公阿拜傳

阿拜

太祖高皇帝第三子天命十年十月與弟塔拜巴布泰征

東海北路呼爾哈部俘千五百戶師還

上出城迎勞尋授騎都尉天聰八年四月晉授三等男崇

德三年七月任吏部承政四年八月封三等鎮國

將軍六年十月

命往錦州南乳峰山駐防八年八月以老罷承政任順治  
四年九月晉二等鎮國將軍五年二月卒年六十  
有四十年五月追封鎮國公謚曰勤敏

初次襲鞏安勤敏鎮國公阿拜第六子順治三年  
十一月封奉恩將軍五年三月襲封二等鎮國將  
軍六年十月晉封輔國公康熙二十年五月卒年

五十有四爵除

欽定四庫全書

卷十一

鎮國公巴布泰傳

巴布泰

太祖高皇帝第九子天命十年十月征東海北路呼爾哈  
部有功十一年八月

命理正黃旗事天聰四年三月隨大貝勒阿敏駐永平明  
兵陷灤州巴布泰不能禦議罷職八年四月授副  
都統五月從大軍征明克保安州十一月以巴布  
泰匿所獲復議罷職宗德六年五月封三等奉國

將軍七年十一月

命駐錦州順治元年四月隨睿親王多爾袞定京師同都  
統譚泰擊敗流賊迓北至望都二年正月叙功晉  
一等奉國將軍三年正月隨貝勒勒克德渾征湖  
廣敗賊於安遠南漳西峰口闕王嶺襄陽府四年  
九月晉三等輔國將軍尋晉封輔國公六年四月  
同貝子務達海討大同叛鎮姜瓖十月晉封鎮國  
公十二年正月卒年六十有四謚曰恪僖

初次襲祜錫祿恪僖鎮國公巴布泰第三子順治十三年九月降襲三等鎮國將軍康熙三十四年十月以庸劣削爵

二次襲富良原襲三等鎮國將軍祜錫祿第一子康熙二十六年三月封三等輔國將軍三十四年十月改降襲三等輔國將軍三十九年六月卒年二十有八

三次襲尼雅翰三等輔國將軍富良第二子康熙



三十九年七月降襲三等奉國將軍雍正五年五月卒年三十有七

四次襲佛照三等奉國將軍尼雅翰第四子雍正六年十月降襲奉恩將軍九年正月卒年十有二  
五次襲多義三等奉國將軍尼雅翰第五子雍正十年九月襲封奉恩將軍乾隆十六年九月授佐領四十一年十二月卒年五十

六次襲恩額穆奉恩將軍多義第三子乾隆四十

二年四月授佐領七月襲封奉恩將軍



鎮國公漢岱傳

漢岱

顯祖宣皇帝孫追封誠毅勇壯貝勒穆爾哈齊第五子天聰八年十二月授騎都尉尋封一等奉國將軍崇德二年四月預議政六年八月從

上圍松山敗明總兵吳三桂等漢岱率所部追擊大破之七年十月隨貝勒阿巴泰攻明薊州河間景州克  
充州十二月即軍前授兵部承政八年六月凱旋

賜銀二百緞六順治元年四月隨睿親王多爾袞定京師  
敗流賊李自成叙功晉三等鎮國將軍十月隨豫  
親王多鐸南征破流賊於潼關二年二月同副都  
統伊爾德率兵由南陽趨歸德克州一縣四四月  
渡淮克揚州獲船百餘十月

賜金二十五兩銀千三百兩三年正月任鑲白旗滿洲都  
統五月同貝勒博洛趨杭州追擊明魯王朱以海  
於台州是月晉一等鎮國將軍十一月同博洛進

兵福建破明唐王朱聿鍵之總兵師福於分水關  
入崇安斬其巡撫定興化漳州泉州叙功晉輔國  
公五年四月

命同貝子屯齊征陝西逆回會總督孟喬芳已擊斬米喇  
印丁國棟漢岱旋赴英親王阿濟格軍戍大同六  
年七月隨親王滿達海勦賊朔州寧武克其城移  
師攻遼州賊迎戰大敗之並降屯留襄垣榆社武  
鄉等縣七年十二月任吏部尚書兼攝正藍旗滿

洲都統八年二月調刑部尚書三月以不陳奏英親王私藏兵器事削世職罰鍰五月晉鎮國公九年四月復調吏部尚書七月隨敬謹親王尼堪征湖南

賜蟒衣鞍馬弓矢十一月敬謹親王戰沒

命貝勒屯齊代其軍漢岱合營十年三月擊敗明桂王朱由榔之秦王孫可望等兵十一年十月追議隨敬謹親王戰沒罪削爵十二年正月復任吏部尚書

二月加太子太保八月封鎮國將軍品級十三年  
四月以河西務鈔關員外郎朱世德虧課萬餘兩

戶部援

赦免罪吏部亦弗置議廷議解漢岱任得

旨漢岱於湖南失事情罪重大考之成憲即應正法朕念  
係宗室姑從寬免且加任用乃不思感奮報効圖蓋前  
愆反依阿蒙蔽負朕大恩本當重處復念宗室姑從寬  
著革任削太子太保鎮國將軍級爵除





鎮國公聶克塞傳

聶克塞

太祖高皇帝孫鎮國將軍湯古代第一子崇德五年九月  
弟三等奉國將軍穆爾察襲父鎮國將軍爵遂以  
聶克塞襲弟爵七年十一月隨豫郡王多鐸略寧  
遠明兵迎拒敗之順治元年二月隨睿親王多爾  
袞定京師追擊流寇於望都二年正月叙功晉二  
等奉國將軍四年九月晉一等奉國將軍六年十

月晉封鎮國公初聶克塞以貝子額克親子為嗣  
八年二月額克親獲罪削爵聶克塞乃妄奏與額  
克親不協三月降輔國公九年六月家人哈爾巴  
訐以私餽出妻衣物降三等鎮國將軍康熙四年  
二月卒年六十五爵除

鎮國公恭阿傳

恭阿

顯祖宣皇帝曾孫原封貝勒阿敏第四子阿敏得罪恭阿  
廢為庶人後復入宗室順治五年九月隨鄭親王  
濟爾哈朗征湖廣六年正月大軍抵長沙擒明桂  
王朱由榔之總督何騰蛟進勦廣西分兵定道州  
黎平府先後克六十餘城恭阿俱在事有功十月  
封鎮國公十一月卒於軍年二十有六

初次襲法塞鎮國公恭阿第一子順治八年閏二月降襲輔國公康熙四十九年正月卒年六十有

四

二次襲阿裕爾輔國公法塞第二子康熙二十年正月封三等奉國將軍四十九年十月改降襲三等奉國將軍五十八年八月卒年五十有三

三次襲蘇赫訥三等奉國將軍阿裕爾孫間散宗室德色勒第一子康熙五十八年十二月降襲奉

恩將軍雍正二年七月卒年十歲爵除



鎮國公品級屯齊傳

屯齊

顯祖宣皇帝曾孫追封恪僖貝勒圖倫第二子崇德元年

五月隨武英郡王阿濟格征明有功四年五月隨

鄭親王濟爾哈朗略明錦州松山杏山力戰被創

常賚外加

賜銀百兩八月封輔國公五年六月隨睿親王多爾袞圍

明錦州明兵夜襲我鑲藍旗營擊敗之嗣以不臨



城及私遣兵回議削爵

詔從寬罰鍰六年八月從

上征明敗明於錦州塔山十一月復隨睿親王圍錦州順

治元年十月晉封固山貝子尋隨豫親王多鐸破

流寇平陝西河南並有功二年四月

賜圓補紗衣一襲五月隨豫親王下江寧與貝勒尼堪等

追明福王朱由崧至蕪湖擒之十月凱旋

賜金百兩銀五千兩鞍馬一是年授鑲藍旗滿洲都統三

年正月隨肅親王豪格西征五月破流賊賀珍等  
解漢中圍敗二隻虎孫守法於漢陰復興安五年  
四月陝西逆回犯鞏昌諸郡

命為平西大將軍同輔國公漢岱討之會總督孟喬芳已  
擊斬米喇印丁國棟屯齊還赴英親王阿濟格軍  
駐大同六年十月晉封多羅貝勒流賊張獻忠餘  
黨孫可望李定國等附明桂王朱由榔擾湖南九  
年七月屯齊隨敬謹親王尼堪征之十一月敬謹

親王戰沒

詔屯齊為定遠大將軍時定國及由榔將馬進忠四萬餘  
衆在永州大軍至定國度龍虎關適可望率兵來  
靖州偽都督馮雙禮來武岡州遂進師寶慶至周  
家坡雙禮進忠等據險抗我師會暮天雨列陣相  
拒是夜可望自寶慶以兵來合衆號十萬屯齊分  
兵縱擊大破之捷聞得

旨嘉獎十一年十月議隨敬謹親王戰沒罪削爵十二年

八月封鎮國公品級十五年正月隨信郡王多尼  
征由榔於雲南薄其城定國挾由榔奔永昌餘衆  
悉降師還康熙二年六月卒年五十

初次襲富爾秦鎮國公品級屯齊第二子康熙二  
年八月降襲輔國公品級十六年八月任宗人府  
右宗人二十二年三月降三等鎮國將軍品級四  
十年六月卒年五十有八

二次襲彭齡鎮國公品級屯齊曾孫初屯齊第五

子原任二等侍衛謨啟生德成額任三等侍衛彭齡德成額第四子也乾隆四十三年三月

詔以鎮國公屯齊著有勞績

賜一等奉國將軍爵世襲罔替以彭齡襲封十一月授頭等侍衛

輔國公塔拜傳

塔拜

太祖高皇帝第六子天命十年十月征東海北路呼爾哈  
部有功尋授三等輕車都尉天聰八年四月晉一  
等輕車都尉尋封三等輔國將軍崇德四年九月  
卒年五十有一順治十五年五月追封輔國公謚  
曰愨厚康熙五十二年四月塔拜曾孫正白旗漢  
軍副都統楚宗奏塔拜於

太祖高皇帝時建立功績懇請撰文立碑從之

初次襲額克親愨厚輔國公塔拜第二子崇德元年五月隨武英郡王阿濟格征明進徧北京明兵自涿州來拒親陷陣破之四年八月封三等奉國將軍九月襲封三等輔國將軍五年六月隨睿親王多爾袞攻明錦州十一月隨貝勒多鐸追擊明兵於塔山六年八月

上征明錦州敗明總督洪承疇兵十三萬移營近松山掘

壕環困之敗軍夜突

御營額克親同內大臣錫翰等嚴守以拒敵敗卻十二月

叙功

賜銀八十兩順治元年四月隨睿親王定京師有功二年

三月晉二等輔國將軍四年九月晉一等輔國將

軍尋封輔國公六年十月晉封鎮國公七年八月

任正白旗滿洲都統晉封固山貝子八年二月以

御前大臣羅什博爾惠諂媚諸王造言構釁伏法



額克親坐附和削爵黜宗室九年二月復入宗室  
任內大臣十二年正月卒年四十有七爵除

輔國公賴慕布傳

賴慕布

太祖高皇帝第十三子天聰八年四月授騎都尉崇德四年九月預議政七年二月隨武英郡王阿濟格征明敗寧遠兵十月

上御篤恭殿宴賚武英郡王不俟賞先歸賴慕布坐失勸阻革世職罷議政是月又議隨武英郡王駐高橋時會

敏惠恭和元妃喪武英郡王令鎮國公扎喀納於帳內

歌舞賴慕布坐容隱應黜宗室

上免之八年七月奉

特旨凡戮力行間勤敏素著者准令其部下人自行採參

賴慕布下五十人與焉順治二年二月封奉恩將

軍三年五月卒年三十有六十年五月追封輔國

公謚曰介直

初次襲來祜介直輔國公賴慕布第一子順治三

年六月襲封奉恩將軍尋晉三等鎮國將軍八年  
閏二月晉封輔國公康熙八年五月以才力不及

削爵

二次襲扎坤泰原襲奉恩將軍來祜孫三等侍衛  
愛珠第三子雍正十三年八月

今上御極奉

諭旨

太祖

太宗子孫內從前或係本支無人未經封爵或別有事故  
革退未襲者著宗人府查奏宗人府以賴慕布後  
裔係間散宗室並無官爵具奏乾隆元年五月奉  
旨扎坤泰承襲奉恩將軍二十二年三月卒年四十有  
六

三次襲永武奉恩將軍扎坤泰第一子乾隆二十  
二年七月襲封奉恩將軍二十八年十月卒年三  
十有四爵除

輔國公瑪瞻傳

瑪瞻

太祖高皇帝孫禮烈親王代善第六子天聰九年五月隨  
貝勒多鐸從廣寧入寧遠錦州界牽制明兵俾毋  
援山西敗明兵於大凌河西陣斬副將劉應選追  
奔及松山城克一臺瑪瞻並在事有功崇德元年  
五月隨武英郡王阿濟格征明至安州連克十二  
城九月凱旋

上行郊勞禮設大宴瑪瞻預

賜金卮酒是年封輔國公三年八月隨貝勒岳託征明由

牆子嶺毀邊城入敗明總督吳阿衡兵連克臺保

越北京趨山東十一月卒於軍年二十有七無嗣

四年四月櫬歸

上遣貝子及大臣等奠酒

賜銀二十兩駝馬各一爵除

輔國公巴穆布爾善傳

巴穆布爾善

太祖高皇帝孫追封愨厚輔國公塔拜第四子崇德元年  
十二月從

上征朝鮮敗其兵於陶山四年九月凡三等奉國將軍額  
克親襲父輔國將軍遂以巴穆布爾善襲凡爵順  
治元年四月隨睿親王多爾袞定京師破流賊有  
功二年三月晉二等奉國將軍四年九月晉一等



奉國將軍六年十月晉三等鎮國將軍八年閏二月晉封輔國公康熙四年三月任領侍衛內大臣六年二月擢秘書院大學士九月充纂修

世祖實錄總裁八年五月議已穆布爾善結黨行私等罪二十一款伏誅子黜宗室爵除六月

諭宗人府自順治十八年後宗室有犯罪革除宗室者著將原案情節查具奏尋宗人府革退宗室內巴穆布爾善係與鰲拜結黨情罪重大其子郭禮博禮七十五

觀音保革去宗室之處應無庸再議得

旨巴穆布爾善之子本應依議念係宗室朕心不忍俱著  
為閒散宗室



輔國公巴爾堪傳

巴爾堪

顯祖宣皇帝曾孫鄭獻親王濟爾哈朗第四子順治十一年十二月封三等輔國將軍康熙十三年四月

命同鎮東將軍拉哈達鎮兗州巴爾堪署副都統六月

詔率蒙古兵赴江寧八月以逆藩耿精忠賊黨由饒州犯

徽州

詔江寧將軍額楚偕巴爾堪進勦巴爾堪先驅九月至旌

德聞賊據績溪疾進度徽嶺賊千餘迎戰敗之額  
楚繼至並抵績溪賊衆環逼合兵擊逐十餘里斬  
三千餘級復徽州黟賊黥縣至董亭橋賊五千拒  
阻擊之悉遁別賊千餘越山來援復敗之陣斬偽  
遊擊魏澄偽千總翁達等十一月進師婺源休寧  
賊據竒台嶺擊走之趨黃茅嶺賊三千餘據木  
柵拒令步兵分攻嶺左右騎兵攻中斬五百餘級  
賊盡棄甲仗遁復縣城躡之樂平縣段家村叛將

陳九傑糾賊八千餘拒敗竄入縣即樹梯登城攻復之餘賊據鄱陽雲吉峰下搜捕百餘級復饒州十四年四月進攻萬年縣之石頭街賊四萬餘斷渡口巴爾堪與額楚水陸並進破賊五十七營斬五千餘級擒九傑獲船二百餘趨安仁縣賊八千餘駕船遁風逆泊岸巴爾堪追及賊棄礮焚船竄又分兵擊敗齊爪郎諸賊於南頓山五月至貴溪賊奔復縣城至弋陽偽總管蔣德軫以木石壘斷

西岡橋立木柵城北賊五萬為九營偽總兵柯昇以賊五千自廣信趨救別立六營巴爾堪同額楚分隊夾擊斬溺二萬餘擒偽遊擊張二奇都司張明德等八月攻永豐賊於金石山陣斬偽都司李定等偽總兵何起先以賊六千餘據玉山偽遊擊林二瞻以賊五百餘掠鉛山又掠浙江之閩逆餘黨八千自江山常山犯玉山巴爾堪先後擊斬無算十六年正月隨簡親王喇布征吉安與吳逆偽

帥韓大任戰於螺子山失利議削爵戴罪圖功同  
額楚進征廣東九月勦賊韶州蓮花山陷陣中創  
裏創力戰大破賊十九年八月簡親王統師廣西  
上詔王進征時宜以巴爾堪總統營伍俾立功自効十月  
創發自度不能痊語都統額赫納副都統幹都海  
曰吾為宗室不能臨陣死今創發勿令家人以陣  
亡冒功卒年四十有四喪還

上命內大臣宗室輝塞往奠二十二年四月



上以巴爾堪出征有年隨處奮身前進傷亡可憫下部議  
卹復輔國將軍雍正元年正月追封輔國公

賜謚武襄立碑紀功乾隆十七年十二月孫竒通阿襲封  
和碩簡親王贈如其爵

初次襲巴賽武襄輔國公巴爾堪第一子康熙二  
十一年四月封三等奉國將軍三十四年三月任  
鑲藍旗漢軍副都統三十五年二月從

上征噶爾丹五月至克魯倫河同平北大將軍馬思喀追

寇至巴顏烏蘭而還三十六年十月調正黃旗蒙  
古副都統三十八年八月罷任五十四年三月復  
授正紅旗蒙古都統五月調鑲紅旗滿洲副都統  
十一月遷正紅旗蒙古都統五十七年七月署黑  
龍江將軍

世宗憲皇帝御極實授寧古塔將軍雍正元年正月奏陳  
父巴爾堪勞績請

賜碑文得

旨俞允追封輔國公即以巴賽襲二年二月

召來京四年六月授振武將軍赴阿爾台軍營既至奏請

令前鋒統領穆克登率察哈爾兵於特斯駐牧副  
將軍貝勒博貝率喀爾喀兵於特斯河駐牧前鋒  
統領定壽率蒙古於扎布罕駐牧均俟降雪後撤  
回從之五年十月

詔遣大臣於來年赴阿爾台更代十二月以喀爾喀郡王

丹津多爾濟奏巴賽辦事妥協管兵整飭

詔仍留駐防七年三月

命靖邊大將軍傅爾丹勦禦噶爾丹策凌以巴賽為副將

軍八年五月

台傅爾丹來京籌議軍務其大將軍印以巴賽暫護九年

四月同傅爾丹進駐科布多六月噶爾丹策凌糾

賊三萬來犯傅爾丹偕巴賽至扎克賽河獲賊二

十餘人訊之詭言賊不滿千在察罕哈達遊牧尚

隔三日程傅爾丹遂進至庫列圖嶺賊據險阻我

軍傅爾丹令移營和通呼爾哈諾爾賊兵二萬伏山谷伺我軍甫移突出蒙古兵俱潰散收滿洲兵四千設方營護輜重退渡哈爾哈納河登山列陣賊衆復踵至傅爾丹趨右仍回科布多巴賽同副將軍查弼納趨左越嶺至河濱力戰沒於陣年六十有九尋陷賊之正紅旗前鋒校薩明阿脫歸得巴賽與查弼納陣沒狀

上諭廷臣曰準噶爾賊衆侵犯北路將軍等急欲滅此朝

食忿激迎擊倉猝失利此皆國家養育多年之人朕遴  
選任用冀其大樹功勳重邀爵賞伊等亦以世受國恩  
竭力捐軀雖誤隨狡計而矢死効忠情殊可憫

賜卹如例謚曰襄愍入祀昭忠祠乾隆十七年十二月子  
竒通阿襲封和碩簡親王贈如其爵

二次襲竒通阿襄愍輔國公巴賽第十子雍正四  
年八月封三等輔國將軍九年十二月襲封輔國  
公乾隆十七年十二月襲封和碩簡親王別詳獻

親王傳後

三次襲經訥亨簡親王奇通阿第二子兄豐訥亨  
襲父爵別有傳乾隆三十年六月

諭曰從前因奇通阿襲封簡親王銷去其原襲公爵近  
閱宗室王公表傳奇通阿之王爵係按冰應襲而其  
公爵係伊祖父積有軍功相繼陣亡所遺不可泯沒  
且豐訥亨頻年出征頗著勞績曾給雲騎尉世職亦  
因已襲王爵銷去朕追思伊先世功勳又念豐訥亨

近日勞績所有從前銷去公爵著宗人府帶領豐訥  
亨近派子弟引見請旨承襲七月

命經訥亨襲封輔國公四十年十一月卒年三十有三  
四次襲積拉堪輔國公經訥亨第一子乾隆四十  
一年五月襲封輔國公四十三年十二月授散秩  
大臣





輔國公品級扎喀納傳

扎喀納

顯祖宣皇帝曾孫贈貝勒扎薩克圖第一子崇德三年八月隨睿親王多爾袞證明分兵八道扎喀納趨臨清州渡運河破濟南府還破天津衛所向有功四年四月師還

賜駝一馬一銀二千兩是年封鎮國公時內大臣多爾濟下有蒙古及漢人自伊嚕逃

命扎喀納等伺諸藩城屏城間未獲而還議削爵

詔從寬降輔國公六年八月從

上征明錦州明總督洪承疇以兵犯我鑲紅旗營擊敗之

師還敵襲我後相距僅百步扎喀納轉戰敵驚遁明

總兵吳三桂白廣恩王樸等沿海潛逃同輔國公

芬古追擊至塔山七年七月駐防錦州九月還十

月以駐高橋時遇

敏惠恭和元妃喪扎喀納從武英郡王歌舞為樂坐大

不敬罪削爵黜宗室幽禁順治二年二月叙從睿  
親王多爾袞定京師功仍入宗室授輔國公品級  
九月同鎮國公傅勒赫駐江南十一月隨貝勒勒  
克德渾征湖廣凱旋

賜金五十兩銀千兩五年十二月隨郡王瓦克達赴英親  
王阿濟格軍駐防大同六年九月晉封固山貝子  
九年七月隨敬謹親王尼堪征湖南

賜蟒衣鞍馬弓矢至衡州敬謹親王戰沒

上以貝勒屯齊代其任扎喀納合軍敗賊兵十萬於周家坡十一年十月議隨敬謹親王戰沒罪削爵十二年八月復授輔國公品級十五年正月隨信郡王多尼證明桂王朱由榔於雲南抵貴陽沿途敗賊降偽官劉之扶王宗臣等百餘馬步兵千餘師進雲南省城由榔遁攻永昌克之十六年閏三月卒於軍年四十九

初次襲瑪喀納輔國公品級扎喀納第五子康熙

四年三月降襲三等鎮國將軍品級四十三年二月因校射不嫻削級

二次襲瑪高阿原襲三等鎮國將軍品級瑪喀納孫間散宗室瑪稷第二子雍正七年閏七月授七品筆帖式十一年九月降襲三等奉國將軍品級乾隆四年十二月授護軍叅領十四年四月卒年四十三

三次襲英祿三等奉國將軍品級瑪高阿第二子

乾隆十四年十月降襲奉恩將軍品級乾隆四十年閏十月卒年四十有一

四次襲福亨額奉恩將軍品級英祿第一子乾隆四十一年十月降襲雲騎尉品級

欽定宗室王公功績表傳卷十一

欽定四庫全書

欽定宗室王公功績表傳卷十二

傳十

原封貝勒以罪黜宗室

和碩貝勒莽古爾泰傳

莽古爾泰

太祖高皇帝第五子歲壬子九月從

上征烏拉克城六莽古爾泰等請渡水擊

上止之曰我且削其外城無僕無以為主無民無以為君



遂燬所得六城移駐富勒哈河越日於烏拉河建  
木城留兵千守天命元年授和碩貝勒以齒序莽  
古爾泰為三貝勒四年三月明總兵杜松等率師  
六萬出撫順關

上親總師迎擊莽古爾泰從至界藩設伏薩爾澣谷口明  
兵過將半尾擊之我師據界藩之吉林崖明兵營  
薩爾澣山以二萬衆來攻吉林莽古爾泰同大貝  
勒代善等以兵千衛吉林復合力攻薩爾澣山破

之又破明兵于尚間崖時明總兵劉綎出寬甸略  
棟鄂

上命同代善等禦之至瓦爾哈什窩集擊敗明兵二萬陣  
斬綎事詳禮烈親王傳八月從

上征葉赫圍其城其貝勒布揚古及弟布爾杭古降葉赫  
平五年八月

上征明由懿路蒲河進明兵出瀋陽城者各引退

諭莽古爾泰領本部追之莽古爾泰遂率健銳百人追殺

總兵李秉誠副將趙率教兵越瀋陽城東至渾河  
始返六年七月鎮江城降將陳良策叛投明總兵  
毛文龍同代善遷金州民于復州十年正月明葺  
城守旅順口攻克之殲其衆十一月率師援科爾  
沁解其圍十一年四月

上征喀爾喀巴林部

命代善諸貝勒略西拉木倫諸貝勒以馬乏不能進莽古  
爾泰獨領兵夜渡擊之俘獲無算天聰元年五月

攻明右屯衛又以偏師衛塔山糧運三年十月從  
上征明貝勒阿巴泰阿濟格先從龍井關入斬明漢兒莊  
副將易愛等莽古爾泰偕貝勒多爾袞多鐸至其  
守將遂以城降並招撫潘家口守備金有光中軍  
范民良蔣進喬翌日

上統師克洪山口趨遵化莽古爾泰自漢兒莊合營敗明  
山海關總兵趙率教兵擒其副將臧調元旋奉

命赴通州視渡口是月大軍進薄京城明諸道兵入援屯

廣渠門外莽古爾泰分遣護軍前行令阿巴泰阿濟格等攻之追殺至壕莽古爾泰與貝勒多鐸留後值明潰卒來犯擊殲之十二月從

上視薊州破明山海關援兵四年二月克永平遵化還與明兵遇敗之五年三月

命諸貝勒直言時政莽古爾泰奏曰讞獄據供詞以定是非未敢明知枉斷惟恐事久怠生臣與諸貝勒大臣倍加策勵八月從

上圍明大凌河城正藍旗兵圍其南莽古爾泰軍其中為  
策應九月敗明監軍道張春總兵吳襄等援兵事  
詳禮烈親王傳十月議莽古爾泰于

御前露刃大不敬罰銀萬兩撤五佐領歸公六年五月從  
上征察哈爾林丹汗遁移師征明歸化城略大同宣府七  
月師還十二月薨年四十六

上臨哭丙夜始還翌日設

幄議祭奠事是夜乃

還宮九年十二月以所屬冷僧機追首莽古爾泰朋謀不  
執事削貝勒黜宗室爵除

多羅貝勒德格類傳

德格類

太祖高皇帝第十子初授台吉天命六年二月大軍略明  
奉集保將旋有小卒指明兵所在德格類同台吉  
岳託碩託擊敗明兵二百追逼明總兵李秉誠營  
其衆二千潰遁三月同台吉寨桑古閱三岔河橋  
至海州城中官民張樂輿迎德格類等令軍毋擾  
民奪財物士皆登城宿勿入民室次日安撫居民



而還八年四月同台吉阿巴泰征喀爾喀扎魯特部  
十一年十月復隨大貝勒代善征扎魯特部是年  
封多羅貝勒天聰三年九月同貝勒濟爾哈朗等  
略明錦州焚其積聚俘獲無算五年六月

命諸貝勒直言時政德格類奏曰國家要在慎選正直任  
以國事屏讒邪遠姦佞則賢不肖皆知取法臣等  
與諸貝勒皆以公正自持効忠竭力至讞獄或刑  
罰不中請即罷斥另選良臣任法司則政簡刑清

國家何憂不太平七月初設六部

命理戶部事八月從

上圍明大凌河城正藍旗兵圍其南德格類軍其中為策  
應九月敗明監軍道張春總兵吳襄等援兵事詳  
禮烈親王傳十月明總兵祖大壽降同貝勒阿巴  
泰夜襲錦州擊斬甚衆事詳饒餘敏郡王傳六年  
五月同貝勒濟爾哈朗等俘察哈爾部衆於歸化  
城及黃河諸路九月同貝勒岳託等拓疆自耀州

展至蓋州迤南七年六月攻旅順口克之八年五月從大軍征明六月招撫蒙古來歸戶衆七月克獨石口進攻赤城未拔入保安州會大軍于應州師還九年十月薨年四十

上臨哭丙夜乃還設

幄而居撤饌三日諸貝勒大臣勸慰再三始

還宮十一月莽古爾泰既為冷僧機所告以大逆削爵除

籍德格類其母弟曾與謀追削貝勒黜宗室爵除

多羅貝勒拜音圖傳

拜音圖

顯祖宣皇帝孫追封篤義貝勒巴雅喇第三子天聰八年  
四月

太宗文皇帝加恩宗室授拜音圖三等子爵與功臣同六  
月隨貝勒阿濟格迎察哈爾來降之土巴濟農九  
年十二月授鑲黃旗都統崇德元年五月隨武英  
郡王阿濟格征明略保定府攻安肅縣克之九月

師還十月同諸王大臣以所獲陳獻

篤恭殿前部臣差等以聞

上曰朕聞拜音圖不忘君上俘獲之時即簡選收藏攜歸  
進獻具見敬忱甚為可嘉十二月從征朝鮮以騎入其  
城收其輜重三年十月隨睿親王多爾袞證明同  
都統圖爾格敗敵于董家口毀邊牆入克青山關  
下城六年八月議拜音圖弟鞏阿岱隨大軍圍錦  
州時臨陣退縮罪下王大臣會鞫拜音圖拂袖出

坐徇庇論死得

旨革職罷都統任並罰鍰尋率兵助睿親王軍于錦州復  
同貝勒多鐸圍守松山七年六月復都統任順治  
二年正月隨豫親王多鐸敗賊將劉方亮于潼關  
是月封一等鎮國將軍三月

賜繡服一襲四月南征克揚州以舟師破其兵于江南岸  
六月同貝子博洛攻下杭州十月叙功

賜金八十兩銀四千兩鞍馬一三年五月授三等公尋隨

豫親王擊敗喀爾喀部兵晉封鎮國公五年十一月晉固山貝子隨英親王阿濟格戍大同六年九月攻叛鎮姜瓖餘黨於沁州賊遁拔其城復圍偽道胡國鼎于潞安殲之十月晉封多羅貝勒九年三月以阿附睿親王削爵幽禁黜宗室爵除

多羅貝勒碩託傳

碩託

太祖高皇帝孫禮烈親王代善第二子初授台吉天命六年二月從

上征明奉集保敗明兵二百十年十一月同貝勒莽古爾泰等援科爾沁解其圍十一年四月隨父大貝勒代善征喀爾喀巴林部十月征扎魯特部有功授貝勒天聰元年正月隨二貝勒阿敏等征朝鮮定



盟而還五月從

上征明大凌河圍錦州二年五月明守者棄錦州遁同貝

勒阿巴泰等隳其城四年正月大兵克明永平灤

州遷安

命同阿敏駐守五月明兵復圍灤州阿敏殺降者棄永平

歸六月議碩託不力阻偕歸罪削爵五年八月從

上征明錦州明兵攻貝勒阿濟格營碩託同擊敗之傷股  
上親勞以金卮酌賜九月明兵趨大凌河碩託擊敗明監

軍道張春兵手復被創七年正月以力戰受傷

獎賜綵緞十布百八年七月隨代善征明自喀喇鄂博攻  
得勝保克之又擊敗朔州騎兵八月同貝勒薩哈  
璘略代州拔崞縣分克原平驛尋封固山貝子崇  
德元年十二月從

上征朝鮮敗其援兵二萬餘於南漢山城二年四月同武  
英郡王阿濟格攻明皮島克之三年八月同鄭親  
王濟爾哈朗征明寧遠四年正月以僭上越分降

輔國公二月同武英郡王征明五月論錦州寧遠

功

賜駝馬各一五年六月隨睿親王多爾袞圍錦州嗣以我

軍離城遠駐又遣弁私歸

諭責之曰爾曾獲罪朕屢寬宥不思竭力効忠報朕屢次  
宥罪之恩反若事不關己今後再罹于罪任法司治之  
必不爾宥也廷議削爵

詔從寬罰鍰尋復封固山貝子八年八月以同郡王阿達

禮謀立睿親王伏誅黜宗室爵除



多羅貝勒延信傳

延信

太宗文皇帝曾孫肅武親王豪格孫父猛我封多羅溫郡  
王傳子佛永輝無嗣傳弟延綬坐行止不端降貝  
勒延綬子揆慧降襲輔國公坐昏庸削爵延信猛  
我第三子康熙二十六年正月封三等奉國將軍  
三十七年十二月授二等侍衛四十年十月預議  
政授正藍旗滿洲都統四十五年十月以病解都

統任五十二年四月復任都統五十七年十月隨  
貝子允禩征策妄阿喇布坦延信稱準噶爾與青  
海部世婚我軍衆寡青海知之準噶爾亦知之今  
年既未進兵我軍可無出口駐劄允禩疏

聞

詔大軍駐西寧五十九年正月授平逆將軍由青海往平  
西藏八月擊敗策凌敦多卜於布克河齊諾郭勒  
綽瑪喇遂定西藏事

聞得

旨嘉獎六十年六月

諭宗人府平逆將軍延信統領滿洲蒙古綠旗兵過自古  
未到之烟瘴惡水無人居住之絕域殲滅醜類平定藏  
地克展勇略深屬可嘉著封為輔國公六十一年十二  
月攝撫遠大將軍尋授西安將軍雍正元年二  
月兄子揆慧既削爵議以延信襲延信故公爵遂  
晉封固山貝子八月叙功晉封多羅貝勒五年九



月回京十二月

上以延信與阿其那阿靈阿拉錫普奇蘇努等結黨在西  
寧軍前又陰結允禔徇隱年羹堯後令伊進藏防  
守托病遷延西安將軍任內不實心辦理軍務亦  
未陳奏要事訓練不親往濫保官兵詢以應否進  
藏輒云路有烟瘴畏懼出征進藏時並侵帑十萬  
兩在

御前傲慢無禮種種罪惡盡行敗露

命革貝勒交王大臣逐款嚴審定擬具奏尋經王大臣審  
訊延信罪凡二十款奏言黨援之罪七一延信向  
與阿其那阿靈阿拉錫普奇等結黨羽與二阿哥  
為敵一徇隱年羹堯不臣之心一在西寧時陰與  
允禩交結一令伊進藏時託病遷延鑽營年羹堯  
代伊解釋一延信原係阿其那阿靈阿蘇努等黨  
奉

旨交問伊反將無干之漢人路振揚舉出一稱阿其那樸

實阿靈阿為人傑與阿爾松阿結為姻親一捏造  
逆言告知年羹堯希脫黨謀又大不敬之罪四一  
當

御前昂然伸足一

諭旨切責坐聽不跪聆一時屈

萬壽聖節不俟慶祝即起程回任一在西寧時不遵


諭旨將地方要務陳奏又欺妄之罪一假捏病狀扶杖行

走及令署大將軍棄杖前往負

恩之罪一在將軍任內不親加訓練要結人心之罪一妄  
行保題官兵九十餘人貪婪之罪一進藏時侵帑  
十萬兩入已擾亂政事之罪二一混行痛責士卒  
一詢以應否進藏輒云路有烟瘴希圖惑衆失悞  
兵機之罪三一因青海用兵擅調遠處兵丁幾致  
可危一聞賊寇臨邊擁兵不發迨新城子失陷後  
始發兵一拏到逆賊阿拉布坦溫布屬下蒙古七  
人並不審究竟行釋放罪凡二十款供狀明白請

按律斬決得

旨延信從寬免死着監禁黜宗室爵除



欽定宗室王公功績表傳卷十二